

里光中夜鷓鴣迴朝氣南來鴻鴈亂秋
霜他鄉歲暮悲游子涕淚時時滿客裳

舜廟

歷山高枕瓠河隅遺廟千秋壯版圖土俗至
今還讓畔居人猶自說成都重華遙想風雲

會至德空瞻日月徂欲弔湘
靈無處所海天愁思隔蒼梧

顧紹芳望嶽三首

震嶽居然五嶽尊中峯忽爾衆
峯蹲天含萬象平開闔海浴雙

丸對吐吞終古松蘿清石骨有時
巉巖暗雲根秦

厓宋障俱陳迹嗚咽幽泉與細論
○六龍馳道出

雲邊絕頂差峩更可憐阿閣迴開
羣帝府晴闌微

辨九州煙卽看嵩華疑無地却借
滄溟別有天漫

道蓬萊應咫尺茂陵松柏正淒然
○矯首初驚積

翠流俯身如揖萬山稠經過不盡
前朝色莽蕩真

成五月秋齊魯片雲隨倚杖乾坤
雙眼在

登樓休論汗漫如禽尚已薄張衡
賦四愁

任城道中

秋草依微落照明川原歷歷總關情千
家網罟魚成市兩岸菰蘆水向城白泛

鷗羣將棹去青懸樹色帶帆行雲
邊暗指淮徐近十日遙拚盡旅程